

Laporan Kewangan Rakyat merupakan penjenamaan semula bagi Laporan Laksana yang diterbitkan oleh Kementerian Kewangan secara mingguan sejak April 2020.



YB Tengku Datuk Seri Utama Zafrul Aziz

Bersama YAB Perdana Menteri, Dato' Sri Ismail Sabri bin Yaakob Menyempurnakan, Majlis Penutupan Konsultasi Bajet 2023 Di Kementerian Kewangan Malaysia 23 Ogos 2022

YB TENGKU DATUK SERI UTAMA ZAFRUL AZIZ Menteri Kewangan Malaysia

Ulasan Isu Semasa

Kenali Penerima Manfaat Minggu Ini

Pengekalan & Penjanaan Pekerjaan


Pemeriksaan Perniagaan

Inisiatif - Inisiatif Lain

LAPORAN
Ke-108

25 Ogos 2022

BAJET 2023 KE ARAH KEMAMPAHAN DAYA TAHAN EKONOMI DAN KESEJAHTERAAN KELUARGA MALAYSIA



Kerajaan akan memastikan Bajet 2023 berteraskan kesejahteraan dan kebajikan rakyat segenap lapisan masyarakat dengan mengambil kira cabaran yang bakal dihadapi tahun 2023 selaras dengan tema, 'Memperkukuh Pemulihan dan Memudah Cara Pembaharuan ke arah Kemampuan Daya Tahan Ekonomi dan Kesejahteraan Keluarga Malaysia'.

Antara tumpuan utama dalam Bajet 2023 adalah untuk memastikan pemulihan pasca COVID-19 yang turut mewujudkan peluang pekerjaan dan meningkatkan pendapatan rakyat serta kelangsungan perniagaan dengan menambah baik sistem perlindungan sosial serta meningkatkan kesejahteraan hidup rakyat melalui perkhidmatan kesihatan dan pendidikan berkualiti.

Bajet 2023 akan dirancang dan digubal berdasarkan lima aspek utama iaitu:

- i) Memperkukuh momentum pemulihan ekonomi dari segi pertumbuhan KDNK, aspek pekerjaan dan pendapatan rakyat serta kelangsungan perniagaan;
- ii) Meningkatkan daya saing negara dalam normal baharu pasca COVID-19 dengan memberi tumpuan kepada peningkatan produktiviti melalui penerapan teknologi, automasi dan pendigitalan serta menggalakkan inovasi baharu untuk pertumbuhan ekonomi secara lestari;
- iii) Memperkukuh daya tahan ekonomi, kedudukan fiskal yang mampan serta pemberian subsidi dan bantuan secara lebih bersasar;
- iv) Melindungi kesejahteraan rakyat melalui program perlindungan sosial yang memberi tumpuan berterusan kepada perkhidmatan penjagaan kesihatan, pendidikan yang berkualiti, keselamatan awam dan persekitaran hidup yang lebih selesa; dan
- v) Menggalakkan pembangunan yang inklusif dan mampan selaras dengan sasaran yang digariskan dalam Matlamat Pembangunan Mampan (SDG) Pertubuhan Bangsa-Bangsa Bersatu.

Majlis Konsultasi Bajet 2023 juga telah diadakan sebagai platform interaksi secara langsung antara Kerajaan dengan pihak berkepentingan yang terdiri daripada agensi Kerajaan, sektor swasta, akademia, pertubuhan bukan kerajaan (NGO) serta pertubuhan masyarakat sivil (CSO) dalam proses merangka bajet negara. Beberapa isu dan cadangan telah diutarakan dalam sesi Konsultasi Bajet 2023 yang menyentuh aspek rakyat, perniagaan, ekonomi dan kerajaan.

Hampir 300 orang mewakili sektor swasta, pendidikan, NGO dan CSO turut mencadangkan langkah-langkah yang sesuai untuk dipertimbangkan dalam penyediaan Bajet 2023 yang dijangka akan dibentangkan di Parlimen tidak lama lagi.

Sebanyak 242 Memorandum dengan beberapa cadangan penyelesaian telah diterima oleh Kementerian Kewangan bagi menangani isu-isu yang dibangkitkan.

Pelengkap kepada Konsultasi Bajet pada 23 Ogos 2022, Kementerian Kewangan telah melancarkan Portal Cadangan Bajet 2023 bagi meningkatkan keterbukaan pihak Kerajaan dalam penglibatan semua rakyat terhadap proses penyediaan Bajet tahunan yang lebih telus dan mencerminkan keperluan rakyat Malaysia.

Seluruh Keluarga Malaysia dijemput untuk mengemukakan cadangan dengan melayari laman web Kementerian Kewangan di pautan <https://budget.mof.gov.my/bajet2023/>.

KERTAS KONSULTASI AWAM BERKAITAN PENAMBAHBAIKAN DASAR PEROLEHAN HIJAU (*GREEN PROCUREMENT POLICY*)

Kementerian Kewangan baru-baru ini telah menerbitkan sebuah lagi Kertas Konsultasi Awam (KKA) bertajuk Penambahbaikan Dasar Perolehan Hijau (*Green Procurement Policy*) bagi penyediaan Bajet 2023.

Objektif KKA ini adalah untuk menerapkan dan memperkasakan inisiatif hijau di dalam pelaksanaan perolehan Kerajaan bagi barangan dan perkhidmatan. Ia juga merupakan satu instrumen untuk mencapai aspirasi Kerajaan ke arah pembangunan mampan serta sebagai peneraju perolehan hijau bagi memangkin sektor swasta untuk mencontohi usaha Kerajaan.

Kertas konsultasi ini menggariskan cadangan penambahbaikan ke atas dasar perolehan Kerajaan yang merangkumi dua perkara:

- i) Menggalakkan Perolehan Hijau Kerajaan atau Government Green Procurement (GGP) tidak terhad kepada kumpulan produk dan perkhidmatan yang telah disenaraikan dalam Garis Panduan Perolehan Hijau 3.0 (GGP 3.0) tetapi turut menerapkan inisiatif hijau dalam pelaksanaan perolehan kerja Kerajaan melalui penguatkuasaan Pekeliling Perolehan Hijau Kerajaan; dan
- ii) Pemerksaan pelaksanaan Perolehan Hijau Kerajaan antaranya adalah bagi menyokong Matlamat 12 di bawah Sustainable Development Goals atau Matlamat Pembangunan Mampan. Selain itu, ia juga turut menyokong matlamat RMKe-12 bagi mengembalikan Mengembalikan Semula Momentum Pertumbuhan dalam menjadikan sektor pembinaan dan pembuatan lebih mesra alam di bawah bidang keutamaan Melonjakkan Pertumbuhan Produktiviti.

Pelaksanaan GGP telah diperkenalkan sejak tahun 2013 bertujuan untuk menggalakkan dan membudayakan pembelian produk hijau dalam sektor awam bagi menyokong Dasar Teknologi Hijau Negara. GGP merupakan satu instrumen untuk mencapai aspirasi Kerajaan ke arah pembangunan hidup mampan serta sebagai pemangkin kepada sektor swasta untuk mencontohi usaha Kerajaan dalam perolehan hijau.

Dalam menyokong aspirasi ke arah masa hadapan yang lebih baik, Kerajaan menyarankan rakyat Malaysia untuk memberi maklum balas bagi menghasilkan Bajet 2023 yang lebih telus serta menekankan aspek kelestarian. Manfaat pelaksanaan GGP tidak harus dilihat terhadap kepada aspek pemuliharaan alam sekitar sahaja malah turut merangkumi aspek ekonomi serta sosial.

Penerbitan KKA merupakan sebahagian daripada usaha keseluruhan MOF untuk memenuhi keperluan rakyat, serta selaras dengan dasar pembangunan sosioekonomi negara. Segala maklum balas dan maklumat lanjut KKA boleh dikongsikan melalui laman sesawang berikut <https://budget.mof.gov.my/bajet2023/kertaskonsultasi/> sebelum atau pada 12 September 2022.

MALAYSIA KE ARAH SIFAR MISKIN TEGAR MENJELANG 2025

Dengan matlamat 'Keluarga Malaysia - Makmur, Inklusif, Mampan' di dalam Rancangan Malaysia Ke-12 (RMK12), mampu membawa Malaysia ke arah negara maju yang berpendapatan tinggi dan mencapai sifar miskin tegar menjelang tahun 2025 melalui Program Pembasmian Kemiskinan Tegar Keluarga Malaysia (BMTKM).

Kerajaan telah memperuntukkan RM36 bilion untuk pembasmian kemiskinan yang telah diperkenalkan dalam RMK12, dengan RM150 juta adalah bagi program BMTKM 2022.

Terdapat 136,000 keluarga miskin tegar dalam negara, termasuk di Sabah dan Sarawak. Sehingga kini, Program Rintis Fasa 1 BMTKM telahpun dilaksanakan di 64 daripada 80 lokaliti.

Dalam masa yang sama, Kerajaan juga sedang memberi tumpuan terhadap program peningkatan pendapatan seperti program dalam bidang penternakan, pertanian dan keusahawanan. Program seperti pembangunan modal insan serta latihan dan kursus asas pengurusan kewangan juga sedang giat diadakan.

Selain itu, pelbagai inisiatif dan sokongan telah diketengahkan oleh Kementerian Kewangan bagi meningkatkan taraf kualiti individu di bawah Bajet 2022 antaranya termasuk program SemarakNiaga bagi usahawan dan JaminKerja yang menawarkan 600,000 peluang pekerjaan.

PERDAGANGAN MALAYSIA CATAT MOMENTUM POSITIF

Baru-baru ini, perdagangan Malaysia mengekalkan trajektori peningkatan pada Julai 2022 dan mencatatkan pertumbuhan dua angka bagi perdagangan, eksport dan import, setakat 19 Ogos 2022. Perdagangan berkembang sebanyak 39.8% kepada RM252.65 bilion berbanding Julai 2021, eksport meningkat sebanyak 38.0% kepada RM134.07 bilion, manakala, import berkembang sebanyak 41.9% kepada RM118.58 bilion dan lebih dagangan berkembang 14.3% kepada RM15.49 bilion.

Pada Januari hingga Julai 2022, perdagangan naik 29.9% kepada RM1.608 trilion berbanding tempoh yang sama pada tahun 2021. Eksport meningkat 27.8% kepada RM873.07 bilion dan import berkembang 32.5% kepada RM734.51 bilion. Lebih dagangan bertambah sebanyak 7.4% kepada RM138.56 bilion.

Pada Julai 2022, perdagangan dengan ASEAN melonjak 63.0% tahun ke tahun kepada RM73.31 bilion, merangkumi 29.0% daripada jumlah perdagangan Malaysia. Eksport naik 55.6% kepada RM42.53 bilion, nilai bulanan yang tertinggi direkodkan setakat ini. Pertumbuhan ini disumbangkan oleh kenaikan eksport barangan E&E, keluaran petroleum dan jentera, kelengkapan dan peralatan. Import dari ASEAN melonjak 74.4% kepada RM30.78 bilion. Pecahan eksport tertinggi bagi negara ASEAN antaranya ialah:

- Singapura RM22.17 bilion, meningkat 57.1%;
- Thailand RM6.14 bilion, meningkat 39.4%;
- Indonesia RM5.05 bilion, meningkat 67.0%
- Vietnam RM4.34 bilion, meningkat 23.0%

Perdagangan dengan rakan dagang Perjanjian Perdagangan Bebas (FTA) yang merangkumi 66.2% daripada jumlah perdagangan Malaysia meningkat 43.5% tahun ke tahun kepada RM167.18 bilion. Eksport ke rakan dagang FTA berkembang sebanyak 39.2% kepada RM89.80 bilion dan import naik 48.9% kepada RM77.39 bilion.

Jumlah import berkembang 41.9% tahun ke tahun kepada RM118.58 bilion. Kategori utama import mengikut penggunaan akhir yang merangkumi 68.6% adalah:

- Barangan pengantara, bernilai RM61.83 bilion atau 52.1% daripada jumlah import, meningkat 32.2%, berikutan kenaikan import bekalan perindustrian diproses;
- Barangan modal, bernilai RM10.97 bilion atau 9.3% daripada jumlah import, berkembang sebanyak 29.6%, disebabkan oleh kenaikan import kelengkapan pengangkutan perindustrian;
- Barangan penggunaan, bernilai RM8.52 bilion atau 7.2% daripada jumlah import, naik 33.2%, hasil kenaikan import makanan dan minuman diproses khusus untuk penggunaan isirumah.

NCIA TARIK PELABURAN DILULUSKAN SEBANYAK RM17.25 BILION

Pihak Berkuasa Pelaksanaan Koridor Utara (NCIA) telah berjaya menarik pelaburan yang diluluskan sebanyak RM17.25 bilion daripada Januari sehingga Julai 2022. Melalui peningkatan pelaburan ini, ianya akan menghasilkan sebanyak 12,315 peluang pekerjaan baharu.

Pelaburan ini disokong oleh pertumbuhan pelaburan berterusan dalam sektor elektrik dan elektronik (E&E), mekanikal dan elektrik (M&E) dan Peranti Perubatan di Wilayah Ekonomi Koridor Utara (NCER).

Perkembangan positif ini termasuk pelaburan asing oleh Baladna Food Industries dari Qatar sebanyak RM2.1 bilion untuk membangunkan projek ladang tenusu bersepadu di Chuping, Perlis bagi menyokong agenda sekuriti makanan negara.

NCIA bersama-sama Kerajaan Negeri memberi tumpuan untuk mengukuhkan lagi ekosistem bakat dan mewujudkan rantaian bekalan yang teguh bagi meningkatkan daya saing NCER dalam menangani sebarang jurang dalam ekosistem pasca-pandemik.

Bagi meningkatkan penyertaan sektor swasta dalam program sosioekonomi strategik, NCIA sedang merangka pelbagai usaha inklusif termasuk penubuhan tabung Dana Pembangunan Modal Insan NCER. Usaha ini juga bagi merangsang penyertaan sektor swasta dalam program pembangunan modal insan mampan dan usahawan.

SASARAN 3.6% PENINGKATAN PRODUKTIVITI MALAYSIA 2022

Perbadanan Produktiviti Malaysia (MPC) yakin Malaysia mampu mencapai sasaran peningkatan produktiviti 3.6% pada tahun 2022. Unjuran itu dapat dicapai pada tahun ini dengan sokongan sektor awam dan swasta susulan pelaksanaan inisiatif yang dirancang dalam pelan tindakan produktiviti di bawah Pelan Tindakan Produktiviti Malaysia (MPB) terutamanya untuk 11 subsektor utama.

Peningkatan produktiviti buruh dipacu oleh produktiviti dalam sektor perkhidmatan yang meningkat sebanyak 7.5%, sektor pembuatan sebanyak 4% dan sektor pembinaan sebanyak 2.9%.

Tumpuan kepada pengembangan teknologi dan digitalisasi sejajar dengan inisiatif di bawah Dasar Negara Mengenai IR 4.0 yang diterajui oleh Kementerian Perdagangan Antarabangsa dan Industri (MITI) turut diberi perhatian. Kelulusan Penilaian Kesiediaan (RA) disasarkan menerima maklum balas positif daripada 260 buah syarikat.

Bengkel digital MPC melalui Myreskill IOT yang disediakan kepada pekerja yang terkesan semasa pandemik terutama di organisasi swasta turut meningkatkan pertumbuhan produktiviti dan ekonomi.

Peranan MITI bersama MPC dan Perbadanan Ekonomi Digital Malaysia (MDEC) mampu merealisasikan agenda transformasi industri dengan menjadikan teknologi dan digitalisasi sebagai pemboleh ubah strategik untuk memacu produktiviti negara. Peningkatan kemahiran baharu 10,000 pekerja sektor swasta dan awam merupakan objektif utama yang disasarkan oleh Perbadanan Produktiviti Malaysia.

KENALI PENERIMA MANFAAT MINGGU INI

SEMARAKNIAGA BANTU PULIH SEMULA PENGUSAHAAN KEROPOK LEKOR TEMPATAN



Encik Sheikh Mohd Khalid
*Pemilik Perniagaan Nurtitah Enterprise Dan Pengusaha
Perniagaan Keropok Lekor Yang Terletak Di Hulu Selangor*

Encik Sheikh Mohd Khalid (43 tahun), merupakan seorang pemilik perniagaan Nurtitah Enterprise dan pengusaha perniagaan keropok lekor yang terletak di Hulu Selangor selama lebih kurang 14 tahun. Seperti usahawan lain, perniagaan beliau terjejas teruk semasa pandemik COVID-19, namun dengan bantuan di bawah program SemarakNiaga melalui Bajet 2022, beliau berjaya bertahan dan bangkit semula.

Perniagaan yang dimulakan atas dasar minat dan azam yang tinggi ini, kini telah berjaya melebarkan sayapnya ke seluruh Malaysia, antaranya Kedah, Johor, Melaka dan Negeri Sembilan. Melalui sokongan Semarak Niaga, Encik Sheikh Mohd Khalid telah memperluas variasi produk pengeluaran beliau kepada produk lain selain keropok lekor, antaranya, sos cili dan cili giling. Skim Mikro Kredit Agrobank telah membantu perniagaan Encik Sheikh Mohd Khalid untuk mengekalkan aliran kewangan perniagaan yang stabil, ketika menghadapi tempoh sukar semasa pandemik..

Di bawah inisiatif Semarak Niaga 2022, Skim Mikro Kredit Agrobank menawarkan kadar keuntungan sebanyak 0% bagi tempoh 6 bulan pertama bagi meringankan beban PKS. Jumlah kemudahan yang ditawarkan bermula dari RM1,000 hingga RM 75,000 merupakan antara inisiatif Kerajaan bagi meningkatkan akses pembiayaan tanpa cagaran untuk perusahaan yang terjejas akibat pandemik Covid-19.

PENGEKALAN & PENJANAAN PEKERJAAN

DANA SKIM PEMBIAYAAN PERKASA TVET 1.0

Dalam RMK-12, Kerajaan telah mengenal pasti Pendidikan dan Latihan Teknikal dan Vokasional (atau TVET) sebagai salah satu pemacu perubahan bagi memenuhi permintaan pekerja oleh industri kita dengan lebih baik. Bagi memperkasa bidang TVET, Kerajaan melalui Bajet 2022 telah menyediakan peruntukan berjumlah RM6.6 bilion untuk melaksanakan pelbagai inisiatif di bawah Kementerian dan agensi-agensi berkaitan. Antaranya adalah Skim Pembiayaan Perkasa TVET 2022 dengan peruntukan berjumlah RM100 juta khusus bagi membantu mereka yang ingin menguasai kemahiran baru atau meningkatkan kemahiran sedia ada untuk memenuhi keperluan industri.

Program Latihan TVET merupakan program kemahiran jangka pendek (kurang daripada 6 bulan) termasuk secara program penuh atau modular atau Pengiktirafan Pencapaian Terdahulu (PPT) atau bergantung kepada permintaan majikan/industri di bawah Persijilan Kemahiran Malaysia (PKM), Jabatan Pembangunan Kemahiran (JPK), Penyedia Latihan Awam (PLA)/ Penyedia Latihan Swasta (PLS) digalakkan menawarkan kursus latihan secara "value added" bagi meningkatkan kebolehpasaran pelatih. Pelatih yang layak akan diberi penempatan pekerjaan atau peluang peningkatan kerjaya terlebih dahulu oleh majikan dan menjalani latihan di PLA/PLS berdasarkan kepada konsep "Place and Train".

Pemohonan masih dibuka bagi semua warganegara Malaysia yang berumur 15 hingga 45 tahun. **Setakat 12 Ogos 2022**, seramai **172 pelatih** telah berjaya diluluskan bagi program ini. Untuk maklumat lanjut, sila layari laman sesawang Kementerian Kewangan Bajet 2022 <https://budget.mof.gov.my/manfaat/faq/perkasa-tvet.html>.

PROGRAM PENJANA KPT-PACE

Melalui Inisiatif 4: Menjana dan Mengekalkan Pekerjaan, di dalam Bajet 2022 PENJANA, KPT-PACE merupakan program peningkatan kemahiran dan pengukuhan kompetensi pelajar tahun akhir dan graduan 2022 melalui persijilan profesional berasaskan kepakaran dan kompetensi mengikut bidang yang diceburi. Inisiatif KPT-PACE yang diperuntukkan sebanyak RM150 juta ini terbuka kepada:

IPTA	IPTS	JPPKK
Warganegara Malaysia	Warganegara Malaysia	Warganegara Malaysia
Pelajar tahun akhir yang mengikuti pengajian di peringkat Diploma/Sarjana Muda/Sarjana di Universiti Awam	Pelajar tahun akhir Institusi Pendidikan Tinggi Swasta	Pelajar tahun akhir Politeknik dan Kolej Komuniti
Graduan 2022 peringkat pengajian Diploma, Sarjana Muda atau Sarjana lepasan Universiti Awam	Graduan 2022 peringkat pengajian Sarjana/Sarjana Muda/Diploma/Sijil lepasan Institusi Pendidikan Tinggi Swasta	Graduan 2022 peringkat pengajian Sarjana Muda/Diploma/Sijil lepasan Politeknik dan Kolej Komuniti
Belum ditawarkan sebarang program di bawah PENJANA	Belum ditawarkan sebarang program di bawah PENJANA	Belum ditawarkan sebarang program di bawah PENJANA
Pelajar Sarjana yang tidak bekerja sahaja dibenarkan mengikuti program ini	Untuk pelajar Sarjana, hanya mereka yang tidak bekerja sahaja layak dipertimbangkan	

KPT-PACE dikendalikan oleh Kementerian Pengajian Tinggi (KPT) mensasarkan 45 ribu graduan dengan pemberian baucar tunai berjumlah RM3,000 disediakan bagi para pelajar yang mengikuti kursus. Walaubagaimanapun, tempoh latihan adalah tertakluk kepada kursus yang diikuti. **Setakat 12 Ogos 2022**, baucer tunai bernilai **RM21.902 juta** telah disalurkan kepada kepada **6,799 pelajar tahun akhir dan graduan** melalui persijilan profesional berasaskan kepakaran. Permohonan boleh dilakukan melalui pautan berikut <https://kptpace.mohe.gov.my/Identity/Account/Login>. Untuk maklumat lanjut, sila layari Laman Rasmi Bajet 2022 Kementerian Kewangan di pautan <https://budget.mof.gov.my/manfaat/faq/kpt-pace.html>.

PENERAJU SKILL 2.0 & PENERAJU TEKNOLOGI

Bagi memastikan permintaan industri dipenuhi, Program Peneraju Skill 2.0 dan Peneraju Teknologi yang diumumkan di bawah Bajet 2022 dengan peruntukan RM70 juta telah diperbaharui dengan objektif mempertingkatkan bilangan golongan Bumiputera profesional bertauliah seperti di dalam bidang perakaunan, kewangan, dan sektor kejuruteraan yang terpilih. Peneraju Teknologi bertujuan mempertingkatkan bilangan golongan Bumiputera di dalam bidang Teknologi Digital di dalam sektor berpendapatan tinggi, kritikal, atau industri baru (emerging industries) bagi industri berkaitan Revolusi Industri (IR) 4.0.

Peneraju Skill 2.0 dan Peneraju Teknologi di bawah seliaan Yayasan Peneraju mensasarkan lebih 3 ribu pemohon bagi inisiatif ini di mana bantuan yang ditawarkan adalah pembiayaan penuh, separa atau secara one-off yang melibatkan yuran latihan dan peperiksaan, setelah pemohon diterima masuk ke dalam program. Di samping itu, pelepasan cukai bagi perbelanjaan menghadiri kursus peningkatan kemahiran atau kemajuan turut ditingkatkan kepada RM2,000 sehingga 2023 manakala pelepasan cukai yang dikenakan ke atas yuran kursus dengan mana-mana badan profesional yang diluluskan sehingga RM7,000.

PEMOHON	PENERAJU SKILL 2.0	PENERAJU TEKNOLOGI
Pelajar tahun akhir universiti	<i>Boilerman</i>	<i>Data Analyst</i>
Graduan baru	<i>Industrial Automation</i>	<i>Data Engineer</i>
SKM 4 atau Lulusan SPM	<i>Quality Assurance Technician</i>	<i>Data Scientist</i>
Golongan bekerja	<i>Sheet Metal Fabrication</i>	<i>Cloud Computing/Solutions</i>
Golongan tidak bekerja	<i>Automotive Industry Engineering</i>	<i>Cybersecurity</i>
	<i>System Integration</i>	<i>SAP</i>
	<i>CAD/CAM Specialist</i>	<i>Digital Marketing</i>
	<i>Fiber Optic & Network Installer</i>	<i>Data Labeling for Future AI</i>
	<i>Port Young Engineer</i>	<i>Deep Learning</i>
	<i>Port Planner</i>	<i>Hyperledger Fabric Developer</i>
	<i>Chargeman (L1, L3, A4 and B0)</i>	<i>Amazon Web Services</i>
	<i>Wireman (1st & 2nd Grade, PW3, PW4)</i>	<i>Cisco Certified Network Associate</i>
	<i>Production Technician</i>	
	<i>Solar PV Installation & Maintenance</i>	
	<i>Safety & Health Officer</i>	

Tempoh masa latihan tertakluk kepada subprogram yang diluluskan iaitu di antara 3 hingga 18 bulan dan dibuka permohonan turut dibuka sehingga Disember 2022. **Setakat 12 Ogos**, sebanyak **400 peserta** telah diluluskan bagi Program Peneraju Skill 2.0 manakala **38 peserta** telah diluluskan bagi Program Peneraju Teknologi. Untuk maklumat lanjut, sila layari Laman Rasmi Bajet 2022 Kementerian Kewangan dan Yayasan Peneraju di pautan <https://budget.mof.gov.my/manfaat/faq/peneraju-skill.html> dan <https://yayasanpeneraju.com.my/program/peneraju-skill/>

FIT4WORK OLEH INVESTKL

InvestKL Fit4Work ialah program latihan bakat di bawah Pakej PENJANA mahupun Bajet 2022 untuk meningkatkan set kemahiran penting graduan muda Malaysia yang diperlukan untuk Industri Perkhidmatan Global. InvestKL, merupakan sebuah agensi di bawah Kementerian Perdagangan Antarabangsa dan Industri (MITI) di samping memainkan peranan sebagai sebuah Agensi Penggalakan Pelaburan yang memberi tumpuan untuk menarik syarikat multinasional menubuhkan hab serantau dan menjalankan aktiviti serantau di wilayah Kuala Lumpur. Objektif inisiatif ini adalah untuk meningkatkan elemen kemahiran insaniah dari segi kemahiran pengurusan, kemahiran ilmu pengetahuan, kemahiran asas dan kemahiran teknikal IR4.0 untuk para graduan baru.

Fit4Work adalah program yang disediakan selama 2 tahun untuk graduan muda Malaysia meningkatkan kemahiran penting yang diperlukan oleh industri perkhidmatan, melalui tempoh latihan yang akan diberikan selama 3 bulan. Permohonan dibuka sehingga Disember 2022, mengikut kriteria berikut:

- Warganegara Malaysia
- Graduan ijazah universiti awam dan swasta yang berumur di antara 18-30 tahun. dan bersedia untuk bekerja
- Tidak menyertai mana-mana program latihan PENJANA (Reskilling & Upskilling) atau Bajet 2022 yang lain
- CGPA sebanyak 2.8 dan ke atas
- Kemahiran berbahasa Inggeris - MUET Band 4, IELTS Band 7 dan ke atas
- Aktif dalam aktiviti kurikulum dan mempunyai bakat kepimpinan

Fokus utama industri program adalah bertunjangkan Pusat Perniagaan ASEAN/Serantau, Perkhidmatan Perniagaan Global, Ekonomi Digital, Revolusi Perindustrian 4.0, Teknologi Hijau, Tenaga Boleh Diperbaharui, Pusat Kecemerlangan, Pusat Perkhidmatan Kongsi, Industri Kandungan, E-dagang, Logistik, Pengangkutan & Mobiliti. Pemohon yang berkelayakan akan menerima elaun bayaran sebanyak RM 2,000 ringgit, disamping kontrak perkerjaan selama 1 tahun bersama syarikat yang terlibat. **Setakat ini 12 Ogos 2022**, sebanyak **549 peserta** telah ditempatkan melalui program Fit4Work tersebut. Untuk maklumat lanjut, sila layari Laman Rasmi Bajet 2022 Kementerian Kewangan dan InvestKL di pautan <https://budget.mof.gov.my/manfaat/faq/miti-fit4work.html> dan <https://www.investkl.gov.my/initiatives/talent-programmes/fit4work>.

MALAYSIA SHORT-TERM EMPLOYMENT PROGRAMME (MYSTEP)



MYSTEP PENGENALAN | PERMOHONAN | INFO



**PELUANG PEKERJAAN
UNTUK KELUARGA MALAYSIA**

MOHON DI SINI

Di bawah Bajet 2022, MySTEP menawarkan 80,000 peluang pekerjaan secara kontrak merangkumi 50,000 pekerjaan dalam sektor awam dan 30,000 pekerjaan dalam GLC dan rakan-rakan strategik mulai Januari 2022. Pemohon MySTEP tersebut akan ditempatkan di pelbagai Kementerian dan Agensi seperti Kementerian Kewangan, Kementerian Pengajian Tinggi, Suruhanjaya Perkhidmatan Awam dan Suruhanjaya Pencegah Rasuah Malaysia. Bagi GLC pula, permohonan telah ditempatkan di organisasi seperti PETRONAS, Permodalan Nasional Berhad, KWSP dan Khazanah Nasional.

Pada tahun lepas, MySTEP telah berjaya mencapai sasaran keseluruhan 50,000 peluang pekerjaan bagi tahun 2021 dengan menempatkan seramai 63,221 peserta. Dari jumlah ini, seramai 41,680 peserta telah berjaya ditempatkan di sektor awam manakala 21,541 peserta pula ditempatkan di GLC dan rakan-rakan strategik mereka. Bagi tahun ini pula **setakat 12 Ogos 2022**, seramai **40,095 personel** telah berjaya ditempatkan melalui program ini. Daripada jumlah ini, seramai **20,773 orang personel** peserta telah ditempatkan di sektor awam manakala **19,322 orang personel** peserta pula berjaya ditempatkan di GLC dan rakan-rakan strategik mereka.

Bagi memastikan tempat buat anak muda OKU menceburi bidang pekerjaan, Kerajaan juga telah menyediakan kuota khas sebanyak 1% peluang penempatan untuk program MySTEP kepada golongan OKU. Kerajaan amat menggalakkan agar warga OKU turut mengambil kesempatan ini dan memohon penyertaan melalui Portal MySTEP di pautan **<https://mystep.mof.gov.my>**. Untuk maklumat lanjut berhubung MySTEP atau inisiatif Kerajaan lain, sila layari Laman Rasmi Bajet 2022 Kementerian Kewangan di pautan **<https://budget.mof.gov.my/manfaat/>**

SKIM PERLINDUNGAN SOSIAL KHIDMAT

Kerajaan melalui Pertubuhan Keselamatan Sosial (PERKESO) menyediakan bantuan penuh caruman di mana pembiayaan caruman sepenuhnya (100%) di bawah Pelan Caruman 2 dan 4 dengan tempoh perlindungan selama 12 bulan kepada Orang Bekerja Sendiri (OBS). Di bawah inisiatif ini, kumpulan sasar yang dikhususkan kepada 4 kategori pekerja iaitu Anggota Pasukan Sukarelawan, Perkhidmatan Rumah Ibadat Islam (JAKIM), Penyelia dan Petugas Pemulihan Komuniti dan Anggota Sektor Awam.

Perkara	Pelan Caruman 2 (RM232.80 setahun)	Pelan Caruman 4 (RM592.80 setahun)
Sumbangan Kerajaan	100%	
Faedah Perubatan	Rawatan perubatan di klinik panel/ hospital kerajaan PERKESO dan membuat tuntutan penggantian perbelanjaan yang dikeluarkan	
Faedah Hilang Upaya Sementara (HUS)	80% daripada RM1,550 (setiap cuti sakit berkelayakan menerima RM41.33 sehari)	80% daripada RM3,950 (setiap cuti sakit berkelayakan menerima RM105.33 sehari)

Permohonan individu boleh dibuat melalui agensi pentadbiran masing-masing manakala permohonan secara pukal perlu dikemukakan kepada bahagian SPS PERKESO melalui spsfaedah@perkeso.gov.my untuk proses pendaftaran lanjut. **Setakat 14 Ogos 2022**, sebanyak **60,388 OBS** telah mencarum bagi skim ini dengan nilai kutipan sebanyak **RM14.621 juta**. Untuk makluman lanjut, sila layari

<https://budget.mof.gov.my/manfaat/en/faq/sps-khidmat.html>

SPS PADANAN CARUMAN

Kerajaan telah menyediakan bantuan padanan caruman sebanyak 80% di bawah Pelan 2 (RM232.80) di mana hanya 20% (RM46.60) sahaja perlu dibayar oleh kumpulan sasaran Orang Bekerja Sendiri (OBS). Kumpulan sasar di bawah SPS Padanan Caruman ini dikhususkan kepada lapan kategori berikut:

Kumpulan Sasaran OBS	
SPS Asal	<ul style="list-style-type: none"> Orang Asli (Semenanjung) Orang Asal (Sabah dan Sarawak) yang bekerja di bawah 20 sektor
SPS Gig	Orang yang bekerja sendiri menggunakan aplikasi digital di bawah syarikat pengantara di bawah 20 sektor
SPS Jaja	Sektor Penjana (Pasar, Gerai/ Kiosk dan Food Truck)
SPS Lain Upaya	Orang Kurang Upaya yang Bekerja sendiri di bawah 20 sektor
SPS Lancong	Sektor Pelancongan termasuklah homestay, ejen pelancongan dan sebagainya
SPS Seni	Sektor kesenian yang terdiri daripada artis, penyanyi, pelakon, penari, kru produksi, kraftangan, pelukis dan sebagainya
SPS Tani	Sektor Pertanian, Sektor Perikanan (termasuk akuakultur), Sektor Penternakan dan Sektor Perhutanan
SPS Usahawanita	Wanita yang bekerja di bawah 20 sektor

Manakala berikut merupakan 20 sektor yang dilindungi di bawah Skim Keselamatan Sosial Pekerja Sendiri:

Pengangkutan Penumpang	Pengangkutan dan Penghantar Barangan
Pertanian	Penternakan
Perhutanan	Perikanan
Pembuatan	Makanan
Penjaja	Pembinaan
Perniagaan Dalam Talian	Premis Penginapan
Pemprosesan Data	Teknologi Maklumat
Perkhidmatan Profesional	Ejen
Kesenian	Perkhidmatan Sokongan
Sektor Penjagaan, Perawatan dan Pemulihan Kesihatan	Perkhidmatan Isi Rumah

Setakat 14 Ogos 2022, sebanyak **207,192 OBS** telah pun mencarum dengan jumlah kutipan keseluruhan sebanyak **RM45.756 juta**. Untuk maklumat lanjut, sila layari <https://budget.mof.gov.my/manfaat/en/faq/sps-padanancaruman.html>


PROGRAM RESKILLING AND UPSKILLING VETERAN ANGKATAN TENTERA MALAYSIA (PRUV-ATM)

Kerajaan telah memperuntukkan sebanyak RM15 juta di bawah Bajet 2022 bagi Program Peningkatan Kemahiran dan Latihan Semula khusus untuk pesara tentera melalui Perbadanan Hal Ehwal Bekas Angkatan Tentera (PERHEBAT). Program ini dilaksanakan untuk menambahbaik status sosio-ekonomi veteran di mana veteran akan dilatih untuk meningkatkan pengetahuan dan kemahiran dimiliki bagi sektor pekerjaan dan keusahawanan yang diceburi.

Veteran Angkatan Tentera Malaysia (ATM) yang layak memohon ialah veteran yang telah menjalani Latihan Peralihan antara tahun 2015 hingga 2021. **Sehingga 12 Ogos 2022**, seramai **8,891 veteran ATM** ini telah memanfaatkan program ini. Untuk maklumat lanjut, sila layari <https://budget.mof.gov.my/manfaat/faq/pruv-atm.html>

PROGRAM SUBSIDI UPAH 1.0 (PSU 1.0)

Di bawah Pakej PRIHATIN, Program Subsidi Upah (PSU) adalah bantuan kewangan yang dibayar kepada majikan setiap perusahaan bagi setiap pekerja tempatan yang bergaji RM4,000 dan ke bawah. Subsidi sehingga RM1,200 sebulan tersebut akan diberikan untuk tempoh 3 bulan bagi membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan. Program tersebut dilanjutkan untuk 3 bulan tambahan di bawah Pakej PENJANA dan secara keseluruhannya, subsidi yang diberikan kepada majikan adalah untuk tempoh 6 bulan. **Setakat 5 Ogos 2022**, seramai **322,177 majikan** dan **2.64 juta pekerja** telah menerima manfaat PSU di bawah PRIHATIN dan PENJANA di mana permohonan subsidi upah yang diluluskan telah pun mencapai nilai **RM12.958 bilion**.




*Jumlah kumulatif

*Jumlah majikan dan pekerja kekal pada takat maksima. Namun, pembayaran dibuat secara berfasa dan berterusan untuk memastikan bahawa hanya perusahaan yang layak sahaja menerima subsidi tersebut

PROGRAM SUBSIDI UPAH 2.0 (PSU 2.0)


Di bawah Pakej Kita PRIHATIN pula, bantuan subsidi upah tersebut dilanjutkan untuk 3 bulan tambahan bagi majikan sedia ada yang menerima PSU manakala bantuan PSU selama 6 bulan diberikan kepada semua permohonan antara 1 Oktober 2020 hingga 31 Disember 2020. **Setakat 5 Ogos 2022**, sejumlah **RM1.408 bilion** telah disalurkan kepada **81,165 majikan** untuk terus beroperasi dan mengekalkan penggajian bagi **719,294 pekerja**.



*Jumlah kumulatif

PROGRAM SUBSIDI UPAH 3.0 (PSU 3.0)

Di bawah Belanjawan 2021 dengan peruntukan sebanyak RM1.5 bilion, Kerajaan telah melanjutkan pelaksanaan PSU selama 3 bulan lagi dengan lebih bersasar, khususnya bagi sektor pelancongan termasuk sektor peruncitan dengan kadar RM600 sebulan bagi pekerja bergaji RM4,000 dan ke bawah. **Setakat 5 Ogos 2022**, sebanyak **RM3.776 bilion** telah disalurkan kepada **162,319 majikan** untuk mengekalkan penggajian bagi **1,528,234 pekerja**.




*Jumlah kumulatif

PSU 3.0 turut ditambahbaik dengan Pakej Bantuan PERMAI, PEMERKASA dan PEMERKASA+ seperti berikut:

Peruntukan	Tarikh Permohonan	Sektor Sasaran	Tempoh Subsidi Upah
Belanjawan 2021 (PSU 3.0 Bersasar)	1 Januari 2021 – 30 Jun 2021	Sektor Pelancongan & Runcit	3 bulan tambahan bagi majikan sedia ada
			6 bulan bagi permohonan baru
PSU 3.0 PERMAI	19 Januari 2021 – 30 Jun 2021	Semua sektor di negeri PKP	1 bulan sahaja
PEMERKASA (PSU 3.0 PEMERKASA)	1 April 2021 – 30 Jun 2021	Sektor Pelancongan & Runcit Serta Perniagaan lain yang ditutup semasa PKP 2.0	3 bulan tambahan bagi majikan sedia ada dan baru
PEMERKASA+	1 Jun 2021 – 31 Julai 2021	Semua Sektor	1 bulan tambahan bagi majikan sedia ada dan baru


PROGRAM SUBSIDI UPAH 4.0 (PSU 4.0)

Di bawah Pakej PEMULIH pula, Kerajaan telah melaksanakan PSU 4.0 dengan peruntukan sebanyak RM3.8 bilion yang dijangka memanfaatkan 2.5 juta pekerja. Melalui PSU 4.0, Kerajaan akan menampung sehingga 500 pekerja bagi setiap majikan dengan kadar sebanyak RM600 setiap pekerja selama tempoh empat bulan, iaitu 2 bulan bagi semua sektor dalam fasa kedua PPN dan dua bulan seterusnya khusus bagi sektor-sektor yang dikategorikan dalam senarai negatif semasa tempoh fasa ketiga nanti. Had gaji RM4,000 juga telah dilonggarkan yang membolehkan majikan untuk memohon PSU 4.0 bagi pekerja yang bergaji lebih dari RM4,000. **Setakat 5 Ogos 2022**, sebanyak **RM2.579 bilion** telah disalurkan kepada **164,004 majikan** untuk terus beroperasi dan mengekalkan penggajian bagi **1,924,909 pekerja**.



PROGRAM SUBSIDI UPAH 5.0 (PSU 5.0)

Dengan peruntukan sebanyak RM600 juta di bawah Bajet 2022, Kerajaan melalui PERKESO akan meneruskan pelaksanaan Program Subsidi Upah bersasar kepada pengusaha pelancongan yang mengalami penurunan pendapatan sekurang-kurangnya 30% daripada jumlah jualan atau pendapatan pada bulan Oktober 2021 sehingga Disember 2021 berbanding mana-mana bulan pada tahun 2019 sehingga 2021 sebelum penularan wabak COVID-19. Permohonan telahpun dibuka sejak 1 Januari 2022 sehingga 31 Mac 2022 namun majikan dari sektor yang tidak tersenarai tetapi masih terjejas akibat penularan COVID-19 masih boleh mengemukakan rayuan secara atas talian kepada PERKESO. **Setakat 5 Ogos 2022**, sebanyak **RM219.653 juta** telah disalurkan kepada **8,018 majikan** untuk terus beroperasi dan mengekalkan penggajian bagi **123,759 pekerja**. Untuk maklumat lanjut, sila layari <https://www.perkeso.gov.my/bajet-2022/sip-bajet-2022.html>.



Secara keseluruhannya, Kerajaan telah menyalurkan sebanyak **RM20.941 bilion** kepada **357,948 majikan** melalui Program Subsidi Upah bagi mengekalkan penggajian **2,959,453 pekerja tempatan** dalam usaha untuk mengurangkan kadar pengangguran dalam kalangan pekerja warganegara Malaysia.

PROTÉGÉ READY-TO-WORK

Professional Training and Education for Growing Entrepreneurs (PROTÉGÉ) merupakan inisiatif Kerajaan melalui Kementerian Pembangunan Usahawan dan Koperasi (MEDAC) untuk melaksanakan program-program peningkatan kebolehpasaran dan memupuk kemahiran keusahawanan dalam kalangan graduan. Antara program-program yang dianjurkan oleh PROTÉGÉ adalah Program Protégé Ready-to-Work yang menyediakan peluang penempatan latihan selama 8 hingga 12 bulan. Syarikat yang mengambil bahagian dalam program ini seperti Syarikat Berkaitan Kerajaan (GLC) serta syarikat-syarikat penerima perolehan Kerajaan di bawah Pekeliling Perbendaharaan (PK1.2). Program ini juga menawarkan modul latihan berkaitan keusahawanan untuk memupuk semangat keusahawanan di kalangan graduan. Pada tahun lepas, sebanyak **4,611 graduan** telah berjaya ditempatkan melalui program Ready-to-work manakala sebanyak **4,674 graduan** baharu telah pun ditempatkan bagi tahun ini **setakat 12 Ogos 2022**. Untuk maklumat lanjut, sila layari laman web PROTEGE di <http://protege.gov.my/www/index.php>

CAREER ADVANCEMENT PROGRAMME (KPT-CAP)

Kerajaan melalui Kementerian Pengajian Tinggi telah memperuntukkan sebanyak RM100 juta bagi menjayakan program KPT-CAP (Career Advancement Programme) atau Program Peningkatan Kerjaya sebagai usaha untuk menangani isu graduan menganggur. Program peningkatan kemahiran ini adalah hasil kerjasama pelbagai Kementerian, Agensi serta pihak industri bagi melahirkan graduan berketerampilan untuk memenuhi pasaran kerja yang bersesuaian.

Program ini dilaksanakan melalui 3 aliran utama iaitu Place and Train, Latihan Keusahawanan serta latihan penyediaan bagi Ekonomi Gig. Place and Train ialah program latihan kompetensi bersasar kepada peserta sebelum memulakan pekerjaan yang ditawarkan oleh industri manakala Latihan Keusahawanan menasaskan penubuhan syarikat pemula dari kalangan graduan. Peserta yang turut menyertai latihan keusahawanan turut berupaya mendapatkan bantuan pembiayaan kewangan daripada institusi perbankan dan agensi Kerajaan seperti Majlis Amanah Rakyat (MARA), TEKUN Nasional, Amanah Ikhtiar Malaysia dan sebagainya. Aliran terakhir adalah Ekonomi Gig iaitu program latihan kompetensi yang mampu membantu peserta untuk menjana pendapatan melalui ekonomi Gig atau aktiviti berbentuk freelancing.

Graduan yang turut menyertai program ini akan dibiayai sepenuhnya untuk menjalani satu daripada tiga sub program yang bernilai sehingga RM5,000 untuk setiap peserta. Tambahan pula, setiap permohonan akan ditapis melalui sistem Single Window, Single Offer di mana latihan yang ditawarkan adalah bergantung kepada jurusan yang diambil semasa di universiti. Peserta yang terlibat akan dijamin pekerjaan untuk tempoh masa antara 6 hingga 12 bulan dengan gaji yang ditetapkan sekitar RM2,000 hingga RM2,500. Pada tahun lepas, sebanyak **19,266 graduan** telah mendapat peluang pekerjaan melalui program KPT-CAP.

Dalam usaha Kerajaan untuk menangani isu graduan menganggur, Kerajaan telah melanjutkan inisiatif KPT-CAP bagi tahun 2022 dengan sasaran untuk menawarkan 20,000 peluang pekerjaan kepada golongan graduan bagi tahun 2022. **Setakat 12 Ogos 2022**, KPT-CAP telah berjaya menempatkan **5,832 graduan** bagi tahun ini. Untuk maklumat lanjut, sila layari <https://great.mohe.gov.my/>.


SKIM PERANTISAN NASIONAL

Skim Perantisan Nasional (SPN) adalah sebuah skim perantisan yang dilaksanakan di bawah Kementerian Belia dan Sukan dengan kerjasama kementerian-kementerian lain seperti Kementerian Kerja Raya dan Kementerian Sumber Manusia serta Agensi-agensi persekutuan di bawah ketiga-tiga kementerian tersebut.

Skim yang berkonsepkan “*Place and Train*” ini memberi jaminan peluang pekerjaan kepada belia sebagai perantis di pelbagai syarikat dan organisasi yang terlibat. SPN juga menyediakan sistem sokongan dengan memberi pengalaman kepada belia serta meningkatkan pengetahuan dan kemahiran golongan belia melalui latihan soft-skill dan on-the-job training. Melalui SPN, para belia bakal dilatih bagi meningkatkan kebolehpasaran, memperoleh peluang untuk diserap terus dalam pekerjaan dan memperoleh pendapatan. Pada tahun lepas, seramai **14,990 warga belia** telah berjaya mendapat peluang pekerjaan melalui SPN. Pada tahun ini **setakat 12 Ogos 2022**, seramai **5,960 belia** baharu telah pun berjaya ditempatkan dengan menggunakan Insentif Penggajian JaminKerja PERKESO khusus buat golongan perantis. Untuk maklumat lanjut, sila layari <http://perantisan.kbs.gov.my/kriteria.php>

MYDIGITALWORKFORCE IN TECH (MYWiT)

Sejajar dengan program celik digital dan peningkatan kemahiran, Kerajaan dengan kerjasama Malaysia Digital Economy Corporation (MDEC) telah memperkenalkan inisiatif MyDigitalWorkforce in Tech (MYWiT) untuk menambahbaik kemahiran dan keupayaan pekerja Malaysia dengan menggalakkan syarikat untuk mengambil pekerja Malaysia bagi pekerjaan teknologi dan perkhidmatan digital melalui insentif gaji dan subsidi kursus latihan. Insentif yang disediakan adalah subsidi sebanyak 40% daripada gaji bulanan selama 6 bulan, terhad kepada gaji minimum sebanyak RM2,000 dengan insentif maksimum sebanyak RM2,600 sebulan manakala subsidi kursus latihan yang ditawarkan adalah sehingga RM8,000 seorang. **Setakat 31 Julai 2022**, program MYWiT ini telah menerima **4,209 permohonan** dan daripada jumlah tersebut, seramai **1,195 peserta** telah pun berjaya ditempatkan dalam pekerjaan teknologi dan perkhidmatan digital. Untuk maklumat lanjut, sila layari pautan <https://mdec.my/ms/mywit/>



*Jumlah kumulatif

PEMERKASAAN PERNIAGAAN

PROGRAM USAHAWAN LEPASAN INSTITUSI PENDIDIKAN MARA/ BELIA

Dalam menyokong usaha kerajaan dalam melahirkan lebih banyak usahawan kecil dinamik dari generasi muda, Majlis Amanah Rakyat (MARA) menyediakan kemudahan pembiayaan dengan kadar keuntungan sebanyak 0% kepada perniagaan mikro bagi sektor seperti peruncitan dan perkhidmatan keculi sektor pertanian dan penternakan. Kemudahan ini disediakan khusus bagi golongan belia yang telah menjalankan perniagaan tidak kurang dari tiga (3) bulan dan telah mengikuti latihan industri atau program inkubator di Institusi Pendidikan MARA (IPMa) manakala had pembiayaan yang disediakan adalah sebanyak RM10,000 dengan tempoh pembiayaan sehingga 3 tahun. **Setakat 29 Julai 2022**, sebanyak **RM3.909 juta** permohonan telah diluluskan bagi **448 usahawan baharu**. Untuk maklumat lanjut, sila layari https://www.mara.gov.my/bm/menu_keusahawanan/kemudahan-sokongan/pembiayaan-perniagaan/putra/#tab-id-1

PROGRAM PEMBANGUNAN USAHAWAN TEKNIKAL (PUTEK)

Bagi mewujudkan usahawan baharu dalam bidang teknikal yang berasaskan kepada kemahiran yang dimiliki, MARA juga menyediakan kemudahan pembiayaan dengan **kadar keuntungan sebanyak 0%** bagi usahawan yang mempunyai Ijazah/ Diploma atau Sijil Kemahiran Teknikal daripada Institusi Pendidikan MARA yang telah menjalankan perniagaan sepenuh masa tidak kurang dari enam (6) bulan dan tidak melebihi lima (5) tahun. Skop pembiayaan yang disediakan sehingga RM500,000 adalah untuk pembelian mesin dan peralatan manakala modal pusingan yang disediakan bagi usahawan muda adalah 60% pembiayaan dengan 40% geran (sekiranya bayaran adalah baik). **Setakat 29 Julai 2022**, sebanyak **RM2.768 juta** telah disalurkan kepada **36 usahawan teknikal MARA**. Untuk maklumat lanjut, sila layari https://www.mara.gov.my/bm/menu_keusahawanan/kemudahan-sokongan/pembiayaan-perniagaan/putek/#tab-id-7

SKIM PEMBIAYAAN PERNIAGAAN KHAS WANITA (DanaNITA)

Kerajaan telah memperuntukkan dana pembiayaan sebanyak RM230 juta antaranya melalui program Skim Pembiayaan Perniagaan Khas Wanita (DanaNITA) di bawah Majlis Amanah Rakyat (MARA) dan TEKUNITA menerusi Tekun Nasional bagi membantu usahawan Wanita yang terkesan akibat COVID-19 selain meningkatkan kapasiti perniagaan mereka. Bagi MARA, DanaNITA menyediakan pembiayaan bagi modal pusingan mahupun pembelian mesin dan peralatan sehingga RM150,000.00 dengan kadar sebanyak 3.5%. **Setakat 29 Julai 2022**, sebanyak **RM10 juta** telah pun diluluskan bagi membantu **265 usahawan wanita**. Untuk maklumat lanjut, sila layari

https://www.mara.gov.my/bm/menu_keusahawanan/kemudahan-sokongan/pembiayaan-perniagaan/dananita/

PROGRAM PEMBANGUNAN USAHAWAN PROFESIONAL (ProSPEC)

Program Pembangunan Usahawan Profesional (ProSPEC) yang diperkenalkan oleh MARA kini memberi peluang kepada golongan profesional seperti doktor untuk menceburi bidang keusahawanan dan memahami selok-belok perniagaan berdasarkan kepakaran dimiliki mereka. Skim pembiayaan ini menyediakan pembiayaan kepada golongan profesional yang diiktiraf dan berdaftar sebagai ahli badan profesional yang berkenaan dengan had pembiayaan sehingga RM500,000 bagi modal pusingan, pembelian mesin, peralatan mahupun ubah suai premis perniagaan. **Setakat 29 Julai 2022**, sebanyak **RM3.25 juta** telah diluluskan bagi **11 ahli profesional** untuk menceburi bidang keusahawanan. Pemohon haruslah mempunyai pengalaman bekerja dalam bidang profesional yang berkaitan mengikut tempoh dan kriteria tertentu yang ditetapkan oleh MARA. Untuk maklumat lanjut, sila layari https://www.mara.gov.my/bm/menu_keusahawanan/kemudahan-sokongan/pembiayaan-perniagaan/prospec/

KEMUDAHAN BANTUAN DAN PEMULIHAN BERSASAR (TRRF)

Kemudahan pinjaman bernilai RM6 bilion ini ditambah sebanyak RM2 bilion kepada RM8 bilion bagi membantu PKS yang terjejas dalam sektor perkhidmatan. Kini di bawah TRRF yang dipertingkatkan, PKS boleh menggunakan hingga 30% daripada pembiayaan yang diluluskan untuk membayar balik pembiayaan perniagaan sedia ada (iaitu pembiayaan semula). Saiz pembiayaan yang ditawarkan adalah sehingga RM500,000 bagi setiap PKS manakala RM75,000 bagi perusahaan mikro dengan kadar faedah sehingga 3.5% setahun termasuk fi jaminan. Tempoh bayaran balik pembiayaan ini adalah sehingga 7 tahun beserta moratorium sekurang-kurangnya selama 6 bulan. **Setakat 6 Julai 2022**, terdapat **41,978 jumlah permohonan** di mana **RM7.150 bilion** telah berjaya disalurkan kepada **26,119 PKS**.

Kemudahan yang ditawarkan pada kadar sehingga 3.5% setahun ini tersedia melalui institusi kewangan peserta, dengan perlindungan jaminan oleh Credit Guarantee Corporation (CGC) atau Syarikat Jaminan Pembiayaan Perniagaan (SJPP). Kemudahan ini tersedia hingga 30 Jun 2022 atau setelah peruntukan digunakan sepenuhnya.

KEMUDAHAN PERTANIAN PEMAKANAN (AF)

Seperti yang diumumkan dalam pembentangan Bajet 2022, Kerajaan akan terus memacu pemodenan sektor pertanian dalam usaha untuk meningkatkan jaminan dan keselamatan makanan serta menjana pendapatan lebih tinggi dan menarik lebih ramai generasi muda agropreneur. Sehubungan dengan itu, Kemudahan Pertanian Pemakanan (AF) yang disediakan oleh BNM turut ditambah sebanyak RM500 juta menjadikan jumlah peruntukan keseluruhan sebanyak RM2 bilion bagi menyediakan akses pembiayaan kepada PKS untuk meningkatkan pengeluaran agromakanan negara dan untuk eksport. Kemudahan yang disediakan bagi perbelanjaan modal, pembangunan projek agromakanan dan modal kerja dengan had pembiayaan sebanyak RM5 juta ini ditawarkan pada kadar sehingga 3.75% setahun bersama tempoh pembiayaan sehingga 8 tahun. **Setakat 28 Jun 2022**, terdapat **3,020 permohonan** di mana **2,268 permohonan** telah berjaya diluluskan bernilai **RM1.784 bilion**. Untuk maklumat lanjut, sila layari <https://www.bnm.gov.my/covid19>


PEMBIAYAAN SEKTOR PELANCONGAN PENJANA (PENJANA TOURISM FINANCING)

Kerajaan memperuntukkan sebanyak RM600 juta bagi PKS dan PKS Mikro yang masih terkesan dengan penularan COVID-19. **Setakat 6 Julai 2022**, terdapat **793 permohonan** bagi pembiayaan ini, dan daripada jumlah ini sebanyak **421 permohonan** telah diluluskan dengan jumlah pembiayaan sebanyak **RM88.14 juta**. Untuk maklumat lanjut, sila layari https://www.bnm.gov.my/documents/20124/2294076/FAQ%20PENJANA%20Tourism%20OFinancing_BM.pdf

Maklumat Tambahan Daripada BNM:

RM400 juta daripada dana asal RM1 bilion diperuntukkan semula bagi:

- Penubuhan Kemudahan Bantuan Bencana (DRF) untuk mengurangkan beban kewangan dan memulihkan operasi perniagaan PKS yang terjejas akibat banjir; dan
- Kemudahan Automasi Digital PKS (ADF) untuk memberi insentif kepada PKS untuk mengautomasikan proses dan mendigitalkan operasi untuk meningkatkan produktiviti dan kecekapan.



*Jumlah kumulatif

PAKEJ PERJALANAN MY50

Kerajaan melalui Prasarana Malaysia Berhad (PRASARANA) telah memperuntukkan sebanyak RM115 juta sebagai pembayaran subsidi untuk menampung kos ditanggung PRASARANA dalam menyediakan inisiatif pas perjalanan tanpa had yang mengurangkan tambang biasa RM200 kepada RM50 sebulan. Pas perjalanan tanpa had yang terbuka kepada semua warganegara Malaysia ini boleh digunakan untuk perkhidmatan rel dan bas kendalian PRASARANA di Lembah Klang dan di Pulau Pinang. Pembelian My50 ini boleh dibuat di semua Pejabat Khidmat Pelanggan Rapid KL yang terletak di semua stesen LRT, MRT, Monorel, BRT dan Hab Bas Rapid KL serta Kiosk Rapid Penang yang tertentu. Untuk maklumat lanjut berhubung pas perjalanan tanpa had ini, sila layari

<https://myrapid.com.my/ms/resources/faqs/>